

Pantau peniaga menerusi operasi produk biodegradasi

KUALA LUMPUR - Kementerian Wilayah Persekutuan (KWP) bersama Kementerian Perdagangan Dalam Negeri dan Hal Ehwal Pengguna (KPDNHEP) serta Dewan Bandaraya Kuala Lumpur (DBKL) melaksanakan pemantauan terhadap peniaga di sekitar ibu kota menerusi operasi produk

biodegradasi kelmarin.

Menerusi kemas kini di laman Facebook rasmi DBKL, operasi bersepadu yang diketuai oleh Jabatan Penguatkuasaan DBKL telah dilaksanakan di sekitar kawasan Plaza Sungai Wang bermula jam 2.30 petang.

Katanya, menerusi peme-

riksaan terhadap premis terlibat, beberapa notis kompaun telah dikeluarkan atas kesalahan kegagalan pemilik untuk menggunakan produk pembungkusan yang ditetapkan.

“Pemeriksaan juga mendapati terdapat pemilik premis yang menggunakan produk biodegradasi tiruan,” katanya.

